

Kontuola

ANTZUOLA / Egubakoitza / 2004ko urtarrilaren 23a / 186. zenbakia

KOORDINATZAILEA: Aintzane Irizar • Barrenkalea 33 20570 BERGARA • Tel.: 943 76 03 97 • Faxa: 943 76 29 77 • Posta elektronikoa: kontuola@goiena.com • Lege gordailua: SS1179/02

Asteburuan irekiko dute Espainiako gerraren gaineko erakusketa, Olaranen

AINTZANE IRIZAR


Espainiako gerraren gaineko ekitaldi sorta antolatu dute datozen bi asteburuetarako. Batetik, gerraren gaineko erakusketa jarriko dute; bestetik, Joseba Tapiak kontzertua egingo du domeka arratsaldean. **Agur Intxorta maite** diskoa aurkeztuko du.

Atzo, eguna, hasi zituzten Espainiako gerraren gaineko ekitaldiak. Hitzaldia egin zuen Aranzadi zientzia elkartereko Juantxo Agirrek, Olaran etxean.

Bihar, zapatua, Espainiako gerraren gaineko erakusketa zabalduko dute Olaran etxean. Zapatuan eta domekan, eta hurrengo asteburuan, urtarrilak 31 eta otsailak 1, egongo da erakusketa hori zabalik; 12:00etatik 14:00etara eta 18:30etik 20:00etara zabalduko dute.

Erakusketa horretan, bat egingo dute bi erakusketak: batetik, Sabino Arana kultura elkargoaren *¡Nunca mas! Gerra irudiak 1936-1939* erakusketa izango dugu; eta, bestetik, Debagoieneko Fusilatuen Lagun eta Senideak taldearen *Hazia erein zenutenoi* izeneko erakusketa.

Azken erakusketa horren helburua da Debagoieneko herrietako ehundik gora fusilatuen "ordain morala eta errekonozimendua aitortzea", antolatzaileen esanetan. Horrela, hainbat muraletan, fusilatutako debagoiendarren argazkiak eta datu biografikoak jasotzen dira.



Debagoieneko hainbat herritan egon da Espainiako gerraren gaineko erakusketa.

Sabino Arana elkargoaren erakusketan, berriz, gerrako irudiak batzen dira, batez ere, hainbat idazle, pentsalari eta lekukoen idatziekin batera.

Bestalde, Antzuolako EAJ-ren materialarekin osatu nahi izan du erakusketa Udalak; horrela, besteak beste, Simon Arrietak egindako oihala, Emakume Abertzale Batzaren eta Batzokiko Ikurriak eta argazkiak jarriko dituzte ikusgai. Eta *¡Nunca mas! Gerra irudiak 1936-1939* liburua erosteko aukera egongo da.

Gerrako kantuz osatutako diskoa aurkeztuko digu domekan Joseba Tapiak

Dagoeneko egon da Debagoieneko hainbat herritan Antzuolara orain iritsi zaigun erakusketa bikoitz hori.

DOMEKAN, JOSEBA TAPIAREN EMANALDIA
Ekitaldi sorta hori osatzeko, etzi, domeka, Joseba Tapiaren emanaldia izango dugu, herri ikastetxe aretoan, 19:00etan.

Hantxe, *Agur Intxorta maite* diskoa aurkeztuko du Tapiak, Espainiako gerrako 20 kantuz osatutakoa. Koldo Izagirre idazleak eta Tapiak berak ikerketa sakon baten ondorioz berreskuratutako kantuak dira guztiak. Egileen esanetan, "herri baten malkoak, ilusioak eta askatasun egarria erakusten dute kantuok".

LABUR

Oihulari Klown-eko ipuin kontalaria, Udal Liburutegian

Bihar, zapatua, Oihulari Klown taldeko ipuin kontalaria izango dugu, Udal Liburutegiak antolatuta. Arratsaldeko seietan izango da emanaldia, liburutegian bertan. Abendurako antolatuta zegoen arren, ekitaldia urtarilerara atzeratzea erabaki zuten arduradunek.

Pentsioen gaineko hitzaldia antolatu dute erretiratuek

Eguenean, hilak 29, aurreju bilazio eta alarguntza pentsioen gaineko hitzaldia egingo du Appalde elkartereko Felipe Igartuak, 18:00etan, Olaran etxean. Erretiratuen elkarteak antolatu du berbaldi hori. Aipatzekoa da, bestalde, las-ter hasiko direla sinadurak batzen, pentsio duinen alde.

Aratusteetarako entseguak, martitzenetan

Aratuste-domekan, otsailak 22, dantzara irtengo dira Oinarinekoak eta nahi duten herritar guztiak. Txarri dantza egingo dute aurten. Dantza taldekoekin parte hartu nahi dutenek martitzeneko izango dituzte entseguak, 20:00etan. Eguzki auzoko lokalean.



Jose Gomez Abad

Errekalde 6, 4-B.
Antzuola
943 76 60 19
943 76 60 43
Faxa:
943 76 60 19

INDUSTRI MANTENIMENDUA

LEKY-BERRI
MERENDEROA

Janariak
eta
edariak

Tf. 943 76 60 94
ANTZUOLA

EGAÑA

Era guztietako arotz lanak

Tarima eta parketa jartzea
Zoruen kutxilatua eta barnizatuak

Kalegoi 21, ANTZUOLA Tel.: 943 76 64 23

KIROLA

Kadeteek jarraituko duten edo ez oraingo astean erabakiko dute

AINTZANE IRIZAR

Kadete mailako futbol taldeak aurrera jarraituko duen edo ez zalantza zuten kirol elkarteko arduradunek. Eguazten iluntzean behin betiko erabakia hartzekoak ziren. Gazte mailako taldeak, berriz, kopako fasea jokatzeari ekingo dio asteburuan.

Kadete eta gazte mailako taldeak jokalarik justuekin ibili dira denboraldia hasi zenetik. Kadete mailako sei bat jokalarik, gainera, gazte mailako taldearekin jokatu behar izan dituzte partidu asko, taldea osatzeko jendea falta zelako. Kadete mailan, berriz, infantilak ibili dira.

Hala, hasiera doan bigarren fasean ez dute horrela jarraitu nahi kirol elkarteko arduradunek. Horregatik, kadete mailako taldea desegiteko aukera mahai gaineratu dute. Eguazten iluntzean (gure erredakzioa itxi eta gero), aurrera jarraitu edo ez, erabaki horixe hartzekoak ziren.

Gazte mailako taldeak, berriz, bigarren faseko lehen partidua



Erregional mailako taldeak igoera fasea jokatzen dihardu.

jokatuko du oraingo asteburuan, Oreretan, Beti-Ona taldearen aurka. Kopa jokatuko dute gazteek.

Erregional mailako taldeak igoera fasean sartzea lortu du aurten, eta oraingo asteburuan jokatuko du fase horretako hiru-

garren partidua. Lehenengoa 3-0 irabazi zuen, Behobiaren aurka. Bigarra, berriz, 2-1 galdu zuen Urnietan.

Nesken taldea, berriz, azkeneko postuan dago, jokatutako 13 partiduetatik 12 galduta.



Kontzertu jendetsua, txistulariena

Udaletxeko osoko bilkuren aretoa bete-bete egin zen domeka eguerdian, txistulari taldeak antolatutako kontzertuan. Ehun bat lagun egon ziren. Txistulari taldeak berak, Antzuolako abesbatzak eta Bergarako metal boskoteak egin zuten emanaldia. Txalo zaparrada luzeak jaso zituzten musikariek, eta gustura irten zen jendea osoko bilkuren aretotik./A.I.

KIROLA

PARTIDUAK

FUTBOLA

Urtarrilak 24

16:00: Antzuola-Lagun Onak (Erreg.)

Urtarrilak 25

12:00: Antzuola-Bergara (Neskak)

EMAITZAK

FUTBOLA

Urnietan 2 Antzuola 1 (2. erreg.)

Zumaia 8 Antzuola 1 (Neskak)

HERRITARREN HITZA / Kontxi Laskurain · Dendaria

Guraso-irakasle: ulermena beharrezkoa

Antzuolako eskolarekin 20 urteko harremana bukatu berri dut eta aukera hau aprobetxatuz irakasleei eskertu nahi diet gure seme-alabak hezteko lan eder honetan eman diguten laguntza.

Azken bi urte hauetan PAUSOKA gurasoen elkartean egon naiz eta ikusten dut irakasle eta gurasoen arteko harreman on horretan atzera pauso bat eman dela. Hau da, Antzuolako eskolan daukagun hezkuntza metodo edo filosofiak, konstruktibismoak, bere oinarri garrantzitsu bat izan du umeak eskolaratzeko prozesu berezian; horrek, txoke egiten

du guraso askok gaur egun daukan ordutegi eta beste arazo batzuekin.

Ez naiz aditua ezertan, bakarrik edadeak ematen didan esperientzia daukat, baina gai honi buruz zerbait esan nahi dut.

Gizarte osoak, heziketa dela eta, asko presionatzen du eskola, baina uste dut enpresak ere gehiago presionatu behar ditugula, umeak ditugun garaian erraztasun gehiago izateko. Edadetuok



“Enpresak ere gehiago presionatu beharko genituzke”

guraso gazteagoei esaten diegunean “disfrutatu ezazue ahal den gehien zuen seme-alabekin”, esan nahi diegu atzera bueltatzeko aukerarik izango bagenu garrantzia gehiago emango geniekeela seme-alabei eta gutxiago lanari.

Hezkuntzako aditu denek esaten dute jaio eta lehenengo hiru urteak garrantzitsu eta zerikus handia daukatela euren garapen afektibo eta emoziona-

lerako. Eta, kontuan hartuta gure seme-alabak 100 urte biziko direla, uste dut, merezi duela ahalegin berezi bat egitea etapa horretan, batez ere.

Antzuolako irakasle batek esana da: “irakasleen lana da ingurune hezitzailea sortzea”; hori lortzeko gurasoak gehiago eta hobeto informatu behar dira eskolaren metodologiak.

Ume zaintza zerbitzu bat, ordutegi zabal batekin, komeni da gure herrian, baina guraso-ok ere kontuan hartu behar dugu irakasleen aholkua, gure umeak psikikoki ere ondoen hezteko eta ez bakarrik gauza material ugari emanda.

II Harizki SUKALDEKO ALTZARIAK

MUEBLES IGEA

Sukalderako eta bainurako altzariak
Altzari rustikoetan espezializatuak

Zurrategi plaza 4, behea. ANTZUOLA. Tel. eta faxa 943 78 71 80

zabalo I GELT SEROTZA

Jose Luis Zabalo

Kalegoi 9, 1. solairua
ANTZUOLA.
Tel. 943 76 60 89
Faxa: 943 76 60 14

ZAHAR BERRITZEAK:
Fatxadak
Bainugela eta sukaldea
Lokal komertzialak
Teilatuak

**Eta orain....
GREMIOEN
KOORDINAZIOA**